

四庫全書

史部

欽定四庫全書

欽定南巡盛典卷九十三

奏議

乾隆二十一年十一月十七日江蘇巡撫莊有恭
奏言准戶部咨乾隆二十一年閏九月二十六日
奉

上諭朕明春巡幸江浙所有供宿頓次皆出自帑項絲
毫不可累民第扈從官兵以及外省接駕人等輻輳

雲集經過地方錢米價值恐一時或致騰踴著將運
京銅鉛兩省各截留十萬觔添爐鼓鑄減價發賣並
將該二省應運本年漕糧各截留五萬石減價平糶
以裕民間食用欽此仰見我

皇上省方觀民嘉惠東南之至意除截留漕糧現在酌
核派撥外至錢文一項上年臣經奏奉

俞允於寶蘇局加鑄一十四卯并收買各爐頭工料錢
文湊濟現存局加卯錢四萬七千六百餘串又收

買各爐工料錢一萬六千六百餘串又蘇局額鑄
餉錢除搭放兵餉外尚餘錢二萬五千餘串通共
存局錢八萬九千餘串查乾隆十六年

翠華南幸各州縣共止兌發錢七萬五千九百餘串核
計現存局錢較上屆已屬有餘無庸再行加鑄所
有

恩諭截留江省銅鉛十萬觔似應仍聽運京以濟戶工
兩局鼓鑄之用奏入

上諭曰如所議行該部知道

乾隆二十一年十一月二十一日內務府奏言查
從前凡遇

皇上駕幸木蘭等處臣衙門所有備帶物件應需擡運
者向由各該處僱覓民夫抬運每夫一名行程日
支銀一錢三分住宿日支銀一錢歷來照此辦理
惟乾隆十六年

皇上巡幸江南經總理行營大臣奏准凡有抬運官物

之夫自京至順河集仍由臣衙門催覓應用其自

順河集過河即交巡撫備辦前次該地方官所備

民夫甚屬便利且派有佐雜沿途管押抬運一切

無悞第查臣衙門廣儲司等處每次需用抬夫由

京催往向係夫頭包攬各處奏催多有匪徒混入

長途抬運難於管束易生事端臣等酌議嗣後凡

恭遇

皇上巡幸自京起運所需抬夫均照南省備辦之例交

沿途地方官僱夫抬運派員管押伴抬夫一項盡
歸地方官就近備辦庶抬運彈壓俱屬利便自無
生事貽悞之虞如蒙

俞允嗣後凡恭遇

皇上巡幸俱由

臣

衙門預行移咨經過該地方官一體

遵照辦理奏入報

聞

乾隆二十一年十二月二十日大學士公傅恒等

奏言明春

皇上巡幸江浙共需駝九百隻前次交與直隸喂養駝
九百餘隻俱趕赴甘肅現在京城所有駝三百餘
隻不敷應用臣等議得武備院等處應用駝隻
俱交與該衙門移會直隸方觀承酌量或僱車或
僱騾需用之處具奏行文續因太僕寺駝載黃布
城需用駝二百七十隻或用官駝或用民駝需用
之處護軍統領等請示臣等經臣等查得若用

官駝必須以符駝隻之數派章京三十四員牽駝披甲三百五十八名伊等應得賞銀盤費幫銀合計一萬四千六百餘兩若僱覓民駝需用駝二百七十餘隻兩個月整價銀按日各三錢兩個月一半價銀按日各一錢五分通計核算共需銀七千三百餘兩此二項較比僱覓民駝需用與官用駝隻即減省一半七十三百餘兩而且不用官駝不派官兵節省官馬數百匹順河集存下等候兵丁

隊內若無此項牽駝官兵管轄亦屬便易相應將
馱載黃布城即僱覓民駝應用交與護軍統領等
辦理今方觀承又將武備院茶飯房廣儲司等處
需用駝六百餘隻俱已採買備用具奏外雖無別
需用駝隻之處但現今需用駝隻之時必得數餘
數百隻以備應用現在京城所有官駝三百七十
八隻即交與方觀承歸併現在伊採買駝隻內揀
選臚壯者以備明歲

皇上巡幸南省應用外其餘臆欠疲瘁者加謹喂養以備應用奏入報

聞

乾隆二十一年十二月二十四日總理行營事務和碩莊親王允祿等奏言據兩江總督尹繼善奏請將明歲隨

駕官員所騎馬匹並應留車輛在附近徐家渡之王家營地方屯留一摺奉

硃批總理行營處議奏欽此查上次

聖駕南巡

回鑾時係在順河集起早是以各官員馬匹車輛就近
在順河集屯留明歲

聖駕自徐家渡渡黃至

回鑾時亦在徐家渡起早則應留馬匹車輛自應在徐
家渡附近地方屯喂無庸再駐順河集該督既查
明附近徐家渡之王家營地形高阜堪以屯駐即

令該督於該處將應備草料等項飭員先期妥辦
俟

命下之日

臣

等行令該督遵照辦理并行知在京各該

處一體遵照奏入報

聞

乾隆二十一年十二月二十四日允祿等奏言恭

照明春

聖駕南巡隨往江浙大臣官員兵役執事人等前經奏

明統以六千馬匹核計隨往令按各處冊報隨往
人數計算馬匹不敷臣等酌定將原議二人給馬
三匹者改為每人給馬一匹合計需馬五千六百
六十九匹至渡黃以及各名勝處原議派馬俱在
四千匹以內今照依原奏渡黃時按人減馬應需
三千八百一十二匹名勝處按差減人應需馬三
千九百五十六匹應開單行知兩江總督遵照仍
交兵部查照原奏辦給馬票一面知照各該處將

單內隨往名勝處所減派人數通融辦理至船隻一項應令該督遵照原奏將預備

上用船隻敬謹預備其隨往官兵人等船隻亦按奏定船數及單內人數分別派撥奏入報

聞

乾隆二十二年正月初七日軍機處會同兵部奏言據河南巡撫圖爾炳阿奏稱竊照西路軍營文報向由陝晉直隸一路轉遞京師明歲春正恭逢

聖駕南巡

啓鑾之後若仍由晉省連京未免路遠稽時

臣

等查豫

屬之內黃縣路通直隸考城縣壤接山東永城縣
界連江省凡軍營文報自應由陝省潼關出境即
從豫省就近遞送

行在庶可速達

御覽但查豫省並未設有腰站恐一有遲悞關係匪輕
應於陝豫交界之閿鄉縣起凡路通直隸山東江

南三省之各州縣挑撥好馬安設正腰各站以速
遞送但各站事務僅責成該管州縣經理查各該
州縣均有地方事務不能時刻在站照察勢必委
之丁役人等若輩不知緩急恐不無稽延應每二
站就近派委佐雜一員遇有文報到站即稽查件
數接送時刻登註排單號簿限日行六百里者刻
即遞送仍令該管州縣及各府州隨時稽察其要
站馬匹即於正站內抽撥既無增添糜費而馬匹

亦可免疲乏除咨陝西直隸山東江南各督撫外
理合恭摺

奏明奉

旨軍機大臣會同兵部速議具奏欽此查先經直督方
觀承咨稱今歲恭逢

皇上南巡請照上屆東巡之例西路軍營文報由甘肅
嘉峪關陝西定邊營山西保德州等處遞至直隸
迴龍關直送盧溝橋由良鄉遞送

行營安設正要各站每站一律設馬五十匹於各該
正站內派守備一員千把外委三員肅司馳遞仍
派道府丞倅等官往來稽查續據山東江南浙江
各督撫亦照例一體安設今據巡撫圖爾炳阿奏
稱豫屬內黃縣路通直隸考城縣接山東永城縣
界連江省凡軍營文報應由陝省潼關出境就近
遞送

行在庶可速達查西路軍營文報由陝甘山西沿邊

一帶逶至直隸良鄉縣計程四千六百四十里由
良鄉至山東界計程五百九十里由山東德州至
江南界計程九百一十二里今若由陝西潼關入
河南閿鄉縣就近分路接逶自嘉峪關至潼關計
程三千四百四十里自潼關由河南內黃縣至直
隸計程一千一百二十里自潼關由河南考城縣
至山東界計程一千一十五里自潼關由河南永
城縣至江南界計程一千三百五里臣等統計核

算查自嘉峪關由潼關至河南內黃縣共程四千五百六十里已較沿邊遞至良鄉縣之路相等若再由內黃縣遞送直隸各站程途轉遠七八百里及千餘里不等反不免紆遲應將該撫所請由河南內黃縣安設臺站接送直隸之處毋庸議至河南接連山東界之考城縣并接連江南界之永城縣較之由沿邊馳遞山東計近程七百七十五里江南計近程一千三百九十七里查軍機文報關

係緊要自應就近接遞以期迅速應如該撫所請
恭逢

聖駕南巡

啓鑾之後軍營文報准其由陝省潼關出境從閭鄉起
於考城永城二縣等處安設正腰各站就近分路
送往

行營之該撫所稱每二站派佐雜一員登記號件令
各該州縣稽查之處臣等伏查陝甘直隸等省迭

送軍營文報臺站俱經奏明每正站各派守備一員千把外委三員帛司馳送酌派同知通判往來料理併責成各該道府經理稽查令豫省僅派佐雜辦理恐佐雜不諳馳遞必委之驛卒等夫難保其一無遺悞應令該撫照直隸等省之例一體辦理其所需馬匹於通省驛馬內揀選挑撥仍將派委員弁姓名臺站馬匹數目造冊報部查核俟

命下之日行文該撫弁直隸陝甘山東江南各督撫一

體遵照恭遇

聖駕巡幸直隸山東江南等省入境之日

行在兵部即將入境日期知照河南巡撫遵照辦理

奏入

上諭曰依議著兵部行文陝督沿邊一帶尚有北路軍營奏報所有臺站仍照舊安設俟啓鑾後計程已抵山東境則西來文報即由潼關往送河南接遞至回鑾將抵直境即仍由北路馳遞其陝西河南山東江

南浙江著該督撫各揀派滿洲道員一人專司軍臺
事務往來督察以期迅速

乾隆二十二年正月初八日傅恒等奏言查本月
十一日

聖駕自京

啓鑾按程核計應於十九日抵山東德州西路文報自
潼關由河南考城縣至山東界計程一千一十五
里以日行六百里扣算應即於十九日從潼關分

路由河南馳遞約三日即可遞至

行在大營

臣

等交兵部行文該省辦理至

回鑾將抵直隸令

行在兵部先期核算日期知會各該省仍由山西一路馳遞可也奏入報

聞

乾隆二十二年正月初十日允祿等奏言案照武備院奏將交與直隸總督喂養駝隻內除挑選使

用外所剩駝隻趕赴紅花鋪喂養俟

回鑾時預備補換一摺奉

旨著交與總理行在事務王大臣議奏欽此伏查今歲
皇上巡幸南省共需駝九百餘隻經直隸總督方觀承
將武備院等處所用駝六百餘隻俱已採買其太
僕寺馱載黃布城之駝三百隻由臣等酌議交
與護軍統領等催覓使用又八旗所有官駝三百
七十八隻亦由臣等議明交直隸總督方觀承歸

入伊之採買駝隻內挑選肥壯者使用所剩疲瘦者仍著喂養預備補換業經奏明遵行今武備院惟恐又似前次

南巡駝隻內疲乏甚多雖交地方官喂養並未能肥壯以致有悞大營黃城故請將所剩之駝隻趕赴紅花鋪等處喂養以作

回鑾補換之用查此次自京起程至徐家渡止需二十餘日

皇上陞舟後即將駝隻交與地方官喂養則行走二十餘日之駝若喂養兩月有餘斷無不肥之理應著該武備院逐一驗明嚴交地方官妥協喂養倘似前次不能肥壯以致不堪使用即將該地方官等題叅如照武備院所奏將用剩駱駝三百七十餘隻俱趕赴紅花鋪備用則該衙門官員人等倚仗有補換駝隻領去之駝遂不愛惜反致多有瘦憊應將武備院所奏此次用剩駝隻不必趕赴紅花

鋪仍照常存于直省喂養惟是所稱

回鑾時正值雨水道濘難行

臣

等酌量擬議著交與直

隸總督方觀承將此次用剩駱駝三百七十餘隻
內挑出一百五十隻恭候

皇上起鑾以後緩緩趕赴紅花鋪交與地方官等妥協
喂養以備

回鑾補用如此則官駝輕健捷速亦不致多所瘦憊矣
倘蒙

俞允臣即行文飭交直隸總督山東巡撫一體遵行奏
入報

聞

乾隆二十二年正月十二日江蘇巡撫愛必達奏
言恭照乾隆丁丑年春

聖駕南巡一切應備事宜節經督臣尹繼善暨前撫臣
莊有恭率同司道等官敬謹備辦今據江蘇布政
司許松偁詳稱今查乾隆十六年

翠華南幸所有扈從官員人等乘坐船隻需用緯夫并
聖駕經由旱路遊覽名勝需用抬旱夫及

回鑾需用車輛馱載

御用什物等項需用騾頭均於司庫正項銀內動支自
應循照上屆成例動用事竣據實報銷又扈從官
兵馬駝沿途需用豆草麥粳以及屯駐馬駝地方
設立買賣街購備粳豆等物上屆係於司庫雜稅
及驛站餘剩銀內借發預期採辦差竣之日將奉文

支給應開銷者造冊請銷應發賣者解價歸款

再

行宮名勝備辦器具什物安頓

御舟

御馬搭建棚廠并槽鋤人夫運送冰塊脩理道路橋梁

開濬河道安設馬頭脩墊緯路平治

營盤等項上屆係於司庫耗羨存公項下動支辦理

均應循例動支事竣彙案報銷除取造估冊另詳

咨部外所有動用銀款相應詳請會

奏

臣

覆核無異除飭取清冊分咨戶兵工三部備案

外謹會同兩江總督

臣

尹繼善恭摺奏入報

聞

乾隆二十二年正月二十四日步軍統領衙門奏
言查向來

皇上巡幸各處

臣

衙門捕盜官兵番役人等所有拏獲

竊盜取供後即送

行在刑部該部辦理轉送

行在兵部兵部始行交發地方官但

行在刑部辦理交送兵部兵部尋交地方官之際二

部俱無看守之人仍交

臣

衙門原拏官兵隨營押

帶

臣

衙門番役捕盜兵丁俱係酌量派出為數無

多若拏一犯看守即須三四人若拏數犯看守即

致乏人且兵丁小人因所拏人犯仍交伊等隨營

押帶在帳房看守伊等不免因有看守之責轉致

託故不行勇往拏賊臣請嗣後凡遇

皇上巡幸處所令經過省分地方之州縣逐日派佐雜

官一員衙役十名隨處交與

行在刑部跟隨帳房預備接收看守人犯如此

行在刑部看守人犯有人臣衙門所拏事件亦能隨

交隨收原拏官兵番役既得交出拏獲事件亦可

另捕他犯隨營稽察甚有裨益俟

命下之日除行文此次經過之該督撫遵照一體辦理

外嗣後永著為例凡遇

皇上巡幸俱照此例辦理奏入報

聞

乾隆二十二年正月二十七日兵部奏言查上屆

聖駕南巡

臣

部官員等俱在前面行走此次凡一應奏

摺俱從後趕送請備坐船一隻令

臣

部官員等輪

班在豹尾鎗後與軍機處官員一處行走至駐營

時將船在布城從角灣住以便接遞事件再請將

驛馬選擇十匹令隨在豹尾鎗後堤岸行走以備
馳送事件奏入報

聞

乾隆二十二年二月十一日刑部奏言乾隆二十
二年二月初八日奉

上諭江浙二省讞獄滋繁陳臬之司素稱劇任茲朕巡
省所至覃布恩膏黎庶均沾閭閻愜樂而有罪之人
囹圄桎梏實由自取亦何恤焉但念獄一成而不變

其中奸民之犯法者固多而無知誤蹈之人亦所
時有况未抵於重辟尚可望其自新用播德音以符寬
大所有江蘇安徽浙江等屬軍流以下人犯俱著加
恩各予減等發落從此案牘一清在問刑各官當益
勵精勤期於明慎而凡爾百姓更宜各安本業勉為
良民勿為曠典可以倖邀而輕國法也欽此仰見我
皇上鑒躍所臨太和洋溢恤刑宥罪

特沛殊恩

臣

伏思此次

皇上巡幸江浙現在軍流以下人犯仰蒙

聖恩各予減等惟是情罪輕重攸分辦理自應稍為區

別臣詳加酌議所有江浙人犯該發遣黑龍江寧

古塔及內遣雲貴川廣人犯罪與軍流相等應請

一體援減此內如叛逆緣坐強盜免死發遣家奴

喫酒行兇棍徒生事擾害用藥迷拐子女開窩誘

賣并例應給披甲人為奴及擬軍之積匪滑賊情

罪較重俱不准其減等其餘軍流遣犯俱應減為

杖一百徒三年徒罪及雜犯准徒人犯減為杖一百其已經到配徒犯即行釋放逃徒並免緝拏枷杖人犯均應寬免應刺字者并免刺字其已經發遣軍流計其程限尚未到配核其情罪與

恩旨相符准其會

赦減等再江浙之人有在別省犯案逃回原籍追贓僉配人犯計其犯事在

恩旨以前似應推廣

皇仁俱准其減等發落其外省犯事遞發江浙軍流人犯與江浙現在軍流不同未便濫遞

曠典均不在減等之例候

命下之日

臣

部行文各該督撫遵照辦理奏入報

聞

乾隆二十二年二月十六日直隸總督方觀承奏
言竊查八旗官駝三百七十八隻奉文發直喂養
備用嗣准部咨內開總理行營處議覆武備院籌

備

回鑾時補換駝一摺請於發直駝內挑出一百五十隻恭候

皇上啓鑾以後緩緩趕赴紅花鋪交與地方官喂養以備

回鑾補換之用奏准行知到臣伏查武備院馱載之駝

係六百隻今預備補換駝一百五十隻自可敷用

臣昨至德州見東省撫臣進有駝隻又臣上年在

張家口買有瘦駝牧放已久俱臃肥可用臣現在
挑選一百隻趕赴紅花鋪一帶如蒙

天恩賞收合之東省駝隻已可為沿途補換之用所有
八旗官駝一百五十隻似可毋庸送往應請仍留
直隸喂養以備木蘭差務奏入報

聞

乾隆二十二年三月二十九日兵部侍郎管順天
府府尹劉綸奏言恭照

聖駕回鑾內務府鑾儀衛衙門各行檔需用車輛臣先期

前赴水次督同山東江南兩省道府委員并內
務府司員稽核監放查山東省原分留京車一百
三十四輛江南省原分留京車一百六十二輛並
直隸協濟代僱車一百輛共四大套車三百九十
六輛於本月二十五六七等日會同各員在廠陸
續驗照支給計放過各行檔車二百八十二輛所
有餘剩原車並兩省預備三套二套各車俱照上

屆成規酌聽隨

駕大臣官員等自行給價添僱接濟疲乏餘仍交與兩省各員自行檢收以為沿途預備之用奏入報

聞

乾隆二十二年四月初九日浙江巡撫楊廷璋奏
言乾隆二十二年三月初一日恭逢

聖駕駐驛西湖

臣

等面奉

上諭西湖之水海寧一帶田畝藉以灌溉今聞沿湖多

有佔墾若將墾熟之田挖廢歸湖小民未免失業如
任其佔墾將來湖身日漸壅塞海邑田畝有涸竭之
虞於水利民田均有未便除已經開墾成熟者免其
清出外嗣後不許再行侵佔欽此臣等跪奉之下仰
見

聖主軫念民生熟籌水利至意伏查西湖故址周圍原
額係三十餘里東南抵城西北接山受武林諸山
之水匯聚成湖由湧金水門入城出艮山等門會

上塘河而直達海寧沿塘民田數千頃皆藉湖水以資灌溉緣湖身寬廣水大則可容納無汎溢之虞水小則可停蓄無涸竭之患利益民生其功甚溥嗣經瀕湖小民裁荷蓄魚始則圍湖為蕩繼則開墾成田日漸侵佔以致水利日多阻滯雍正二年荷蒙

世宗憲皇帝勅令清查將所佔田蕩豁除糧額照址盡行清出歸湖開通水源俾無淤滯下游田畝可以不

虞旱燠伏查西湖舊址三十餘里彼時查丈僅存
二十二里四分有奇通計裡外湖面一萬一千三
百一十五畝淤淺沙灘三千一百二十五畝已失
故址四分之一歷今三十餘年為時既久小民又
復漸次佔墾亟應清楚禁止仰蒙

聖主洞燭情形

勅令設法查禁臣等隨與藩司公同斟酌現在遴委幹
員將湖址逐段悉心勘丈除久墾成田無碍水源

者欽遵

諭旨免其清出外其現存湖面及淤淺沙灘逐段俱丈量清楚豎立標記飭委大員覆勘明確于湖岸立石永禁仍繪圖貼說存案查禁之後遇有侵佔絲毫卽照強佔官湖律嚴加治罪至現存小民栽荷蓄魚之蕩止許用竹箔攔隔以通水道不許私築土硬圖為後日佔墾賬本仍責令地方官於每年冬令水落時按圖勘丈一次倘有越佔立押剗挖

歸湖如無侵越即出具並無侵佔印結申報各上
司稽考倘敢瞻徇隱匿查出立即嚴叅其已經墾
熟田畝蒙

聖主格外施恩免其清出但究係私佔官湖俯俟丈出
確數核明雍正二年清查以後復佔墾田蕩各若
干畝如果無碍水源容臣等具奏請

旨應否按畝酌量徵輸地租歸入西湖歲脩項下為挑
濬西湖淤泥葑草等項之用恭候

聖明定奪如此立法查禁庶小民不敢再行侵佔湖水
自可永不淤塞下游民田旱澇有資

聖主恩施當與湖流永頌靡涯矣奏入報

聞

乾隆二十三年正月初十日楊廷璋奏言乾隆二
十二年春恭逢

聖主重幸浙江面奉

上諭西湖之水海寧一帶田畝藉以灌溉今聞沿湖多

有佔墾若將墾熟之田挖廢歸湖小民未免失業如
任其佔墾將來湖身日漸壅塞海邑田畝有涸竭之
虞於水利民田均有未便除已經開墾成熟者免其
清出外嗣後不許再行侵佔欽此欽遵先經會同前
督臣喀爾吉善將酌籌清理情形恭摺奏請

聖鑒欽奉

硃批俞允臣隨飭委署鹽驛道事溫處道朱椿續又委
鹽繹道張唯寅率同杭州府知府張逢堯等先將

湖面通行查丈自雍正二年清理西湖丈量湖面
周圍計二十二里四分迄今三十餘年沿湖居民
或築隄為塘或培土成田逐漸佔墾並淤淺沙灘
共二里有餘現丈湖面祇存不及二十里之數此
次清查自應以雍正二年丈定之數為準將陸續
佔墾之處悉行剷挖歸湖以疏下游水利乃仰蒙
聖主軫念民生將已墾熟者免其清出此誠

聖主格外恩施臣敢不欽遵查辦第西湖之水攸關下

游水利若將有碍水道之處一概准其存留恐日漸淤塞必至不敷灌溉似應分別辦理臣因率同司道并承辦各員親歷湖濱周遭相度將各處佔墾之地蕩田畝及淤灘勘明有無阻遏水源逐一挿籤記認分定應去應留明白揭示曉諭於秋杪收穫後令該道府督率佐雜各員分頭展復計小有天園迤西一天山脚下金沙港廟後錦帶橋內湖錢塘門迤南湧金門迤南清波門西首長橋等

處共清出有礙水道之地蕩淤灘約計一里有零
逐一開挖歸湖其已成田者概免剗挖內將小有
天園門前園佔之水蕩清出建築馬頭不特湖船
直達無礙而水源亦疏暢流通又於柳浪聞鶯處
將開挖園蕩之土方即用以築堤一道計長一百
餘丈直至湧金門馬頭以作界限其於沿湖凹凸
不齊之處各按形勢悉行裁直淤淺沙灘一律開
濬深通現在丈實湖面已有二十一里二分零較

前清出一里有餘其各處不礙水源之田畝地蕩
尚有五百八十九畝零應遵

旨免其清出即照現在二十一里二分之湖面立石永
禁侵佔東面於湧金門馬頭之右西面于一天山
脚下南於長橋埠北面於湖山春社之左共四處
各立一碑將現在清出里數及侵佔官湖例應
擬流條款刊刻碑上俾小民咸知畏法遵守仍
造冊繪圖存案每年責令地方官查丈一次稍有

侵佔立押剝廢徇隱即行叅處所有免其清出之
田畝地蕩雖蒙

聖恩不予剝廢但究係侵佔既已免其治罪復仍歸管

業自應酌量徵租以充歲脩疏濬西湖之用

臣與

司道悉心斟酌計其出息之厚薄定以租額之低

昂每蕩一畝歲徵租銀五錢田一畝歲徵租銀四

錢地一畝歲徵租銀三錢造具戶畝各確冊於二


十三年起令地方官按數徵收解鹽驛道衙門歸

入西湖租息項下以備挑濬修理公用自此番清理後斷不容稍有圈佔再沿湖雖已立石刊禁但湖身寬濶恐小民惟利是圖或於各處堤岸仍有侵損擬令地方官於清出之堤岸上照蘇隄之式沿岸栽挿柳樹不特可杜小民侵損其根株盤結亦可堅固堤身且一二年後長發茂盛萬綠成陰更足與湖山增色所用創費即於鹽道收存之西湖租息項下動支無需開銷正項錢糧現在湖面

較前已大為開展湖流暢達水道不淤下游田畝
從此倍資灌溉之利白吏黃童咸歌

聖澤優渥樂利無涯矣奏入

上諭曰好如議行



欽定南巡盛典卷九十三

欽定四庫全書

史部

欽定南巡盛典卷九十四

詳校官戶部郎中臣楊世倫

欽定四庫全書

欽定南巡盛典卷九十四

奏議

乾隆二十三年九月十三日兩江總督尹繼善等
奏言竊惟省耕省斂自昔著有隆規時邁時巡載
籍垂為盛事我

皇上撫臨四海涵育羣生無逸勤民既

勅獎康於宵旰誠求保赤復

殷補助於春秋是以稽古省方兩次

南巡江浙

恩膏疊沛遍洽吳山越水之間

德意旁流周恤部屋茅簷之隱更以河工事務攸關重大

親臨指示備極精詳一切疏濬機宜與夫宣防關鍵凡屬前人經理之所不及臣等籌議之所不周悉皆斷自

宸衷疊頒

睿訓不惜千萬國帑莫茲億兆人民務期濱水沮汝化作膏
腴之壤永令緣溝老弱登諸衽席之安覺覆載猶難並此
生成故黎庶莫能名其愛戴今者工程報竣湖河俱得順流晴
雨均調禾黍臻大熟雖在淮徐以北歲歲告災之地亦慶倉箱
盈積人人鼓腹而遊僉謂歷年未有之豐登總由

聖心感召身沐有加無已之

愷澤益思

玉輦頻來既瞻

雲就

日之同心遂灑道清塵而恐後臣等脩員茲土側聽謳

歌現今顒望之誠倍深往日擬待庚辰之歲再

幸南邦懇

特降綸音聿光大典俾獲恭迎

鑾輅用慰輿情至於一應預脩事宜臣等自當仰體

聖懷恪遵

訓諭不許纖毫擾累毋取供帳繁華舊有章程易於料理惟願

六飛時屆快覩民康物阜之風常使萬姓銜

恩共傳華祝嵩呼之盛臣等敬謹恭摺奏請奏入

上諭恭載

恩綸

乾隆二十四年十一月二十二日尹繼善奏言恭

照明春

聖駕重幸江南沿途分設臺站接遞文報需馬衆多上屆皇上南巡時於通省州縣額設驛馬內通融協撥尚慮不敷各屬仍自脩餘馬應付今江南驛馬奉裁七百匹較上屆額數更少派益屬不敷若不酌量加增必致貽誤差務應請暫照從前原額加增馬七百匹分派沿途經由各州縣准其于驛站項下借支採買自明年十一月初一日為始照依額設驛馬一體支給草料至差竣日止停其支給

仍將所買馬匹照數變價歸還原款如此斟酌辦理則暫增馬匹仍行照數變價還項於錢糧既無虧缺於差務甚有裨益奏入報

聞

乾隆二十六年九月初二日尹繼善奏言竊照乾隆五十五年江南雨水過多高寶下河窪地被災荷蒙

聖訓以地方官辦差辦賑難以兼顧

特頒諭旨將

南巡之期改於壬午年舉行此誠我

皇上念切民瘼因時制宜之至意也今歲雨暘時若通
省可望豐收於七月內忽遭風暴湖水漲溢將高
郵東隄漫缺數處以致下河田禾又被淹浸在

聖心誠求保赤宵旰憂勞

眷顧南邦又不知幾經籌慮但江省今歲秋收大勢可
稱豐稔間有極窪之地收成歉薄情形俱不為重

高郵一帶雖又被水而早稻已有收穫亦較輕於
去年現在應行賑恤者祇數州縣地方各官儘可
從容辦理即差務內一切事宜已經預備齊全伏
思我

聖主深仁厚澤徧於海隅蒼生大江南北尤屬淪肌浹
髓自

時巡改期稍遲一載黃童白叟無不翹首跂足望
鑾輅之早臨況正逢

聖母七旬萬壽之後行慶施惠待澤彌殷歌樂歲而効嵩
呼更可愜輿情而昭

盛典

臣

謹將江省收成景象並臣民仰望惓忱會同高

晉陳宏謀託庸高恒恭摺具奏奏入

上諭部知之

乾隆二十六年十月初八日戶部侍郎兼管順天府
府尹錢汝誠等奏言恭照明春

聖駕南巡所需隨營車輛例由臣衙門飭屬敬謹預備

伏查乾隆二十二年正月

駕幸江浙經前任蕙管府尹臣劉綸等循照乾隆十六年

皇上南巡辦理規條具摺奏明請將各行檔裝載什物車輛至順河集水次照數留住以一半交江南一半交山東餽養以備

回鑾應用其車價銀兩在於該兩省動用給發照例報銷今次恭逢

聖駕南巡_臣等現在移咨內務府先期酌定應備車數
一面分飭所屬預行備辦並咨明山東江南督撫
循照乾隆十六年并二十二年籌辦規條會同妥
協經理再_臣等恭查上屆

駕幸江浙經前任兼管府尹臣劉綸飭屬預備車四百
餘輛後實用車三百四十三輛旋因順天府所辦
原車途中間有回空騾馬不無疲乏之處至交車
時山東省分留京車一百三十四輛江南省分留

京車一百六十二輛其不敷之車在於各該省照數備足但江省素非產車之區東省有自應備辦之車不能協濟亦經前任蕪管府尹臣劉綸循例奏明移咨直隸總督檄調附近南省之景州河間獻縣等處代僱百輛以濟江省之用臣等亦即一面詳悉咨明直隸督臣方觀承籌備俟明年需用時定數以調協濟又官用駝隻沿途恐有疲乏短缺者

回鑾時不敷應用亦應行令山東撫臣查明成例預為
籌辦以車抵給除一應委派人員照料管理及包
封支發車價各事宜臨期照例酌辦敬謹預備外
合將_臣等現在辦理緣由奏明奏入報
聞

乾隆二十六年十月初八日錢汝誠等奏言明春
恭逢

聖駕南巡所有_臣衙門辦車事宜_臣謹會同府尹_臣羅

源漢循照乾隆十六年併二十二年辦理規條繕
摺奏

聞至恭辦

回鑾車輛前經兼管府尹臣劉綸前赴順河集會同江

南山東兩省地方官籌辦今次恭逢

駕幸江浙仰懇

皇上天恩准臣錢汝誠扈從前往於順河集水次督率

各委員交收車輛至

聖駕回鑾時臣再由彼處先期趨赴順河集敬謹料理
回程車輛事務奏入報

聞

乾隆二十六年十一月初九日總理行營事和碩
莊親王允祿等奏言恭照明春

聖駕巡幸江浙一切應用預備事宜查乾隆二十二年
巡幸南省陸路安營所用大城蒙古包帳房等件俱帶
往二分工部應帶椿橛等件亦照例帶往所需駝

隻並茶膳房等處所需駝隻車輛交各該處照例預備挽船緯夫於河兵內選用應帶備用銀兩緞疋等件交戶部內務府衙門奏明帶往選派侍衛三班兵丁一千名各處官員拜唐阿人等酌量派往至抵江南上船將兵丁減派五百名章京等四十員於虎鎗侍衛兵丁一百三十七員名內選派四十員名其餘於三班侍衛並五百名護軍選派入數隨往大臣官員俱於年前預給春季俸祿其

應騎官馬人等照應給之數給馬一半折價一半
先給兩箇月行糧沿途再行補給上船之後大臣
官員各留家人喂養馬匹其拜唐阿兵丁等所騎
官馬並官駝交與山東巡撫於臨近各州縣及綠
旗各營分喂養約束所留兵丁家人派大臣管轄
回京辦用車輛奉

旨派大臣會同地方官催備喂養所留馬匹應需麩草
料豆高粱等項交山東巡撫酌量購買以備市賣

至江浙豆少如需撥協行文山東巡撫酌量採買
運至沂州一帶地方以備市賣再沿途安設臺站
由兵部勘明尖宿飭各該督撫於通省驛馬內抽派備
用所過各處地方應辦營盤道路橋梁一切事
件俱交該督撫照例預先備辦明歲

聖駕巡幸南省陸路安營所用大城蒙古包帳房等件
備帶二分應帶椿橛等項所需駝隻茶膳房所需
駝隻車輛河兵內揀派挽船緯夫戶部內務府奏

帶備用銀兩緞足派侍衛三班兵丁一千名各處
官員酌量派往至江南上船將兵丁減派五百名
章京等四十員於虎鎗侍衛兵丁一百三十七員
名內選派四十員名其餘於三班侍衛五百名護
軍選派入數隨往大臣官員於年前支給春季俸
祿並先支給兩月行糧沿途再行補支上船之後
大臣官員留家人喂養馬匹拜唐阿兵丁所騎官馬
並官駝交山東巡撫分給喂養所留馬匹應需楚

草料豆高粱等項交山東巡撫購買以備市賣江浙如需撥協照依所咨撥運豆石交山東巡撫運至沂州一帶地方預備市賣沿途安設臺站由兵部勘明尖宿地方飭該督撫於通省驛馬內抽派備用所過地方營盤道路橋梁等項該督撫預先備辦之處俱請照上次辦理但上次因官馬缺少各半支給今官馬既敷支給請將應給官馬人等俱滿數支給外約束所留兵丁跟役人等派大臣

管轄至辦理回京車輛大臣臨時奏請

欽點又查上船後應需馬匹江迤北綠旗營馬四千匹
江迤南八旗營馬四千匹並江寧等處添備馬二
千匹支放馬匹事宜上次所辦雖未能甚有條理
尚無過於繁瑣應請交兵部及該省即照上次
辦理督催

御舟緯夫需用馬匹請交該省亦照上次辦理需用船
隻應令各該處將人數具報總理行營處彙總行

文該省辦理支放船隻請交兵部亦照上次辦理其

內廷行走大臣領侍衛內大臣軍機處大臣

內廷乾清門行走侍衛等船隻并裝載

御馬船隻上駟院侍衛官員批本奏事軍機處侍衛處

內閣兵部官員等船隻俱請照上次令其在前行

走其餘船隻俱令在後行走如有承辦事件應前行者臨期各自奏請江南路途窄狹倘有混行衝突應飭禁交管

御舟大臣會同護軍統領於船隻行泊處所嚴加查禁
浙省支放馬匹船隻事宜亦俱照上次與江南一
體辦理恭候

命下交各該處欽奉施行奏入報

聞

乾隆二十六年十一月十二日鴻臚寺奏言向例
凡遇

皇上行幸沿途地方文武官員於百里內接送查乾隆

二十二年

皇上南巡

臣

等將經過沿途地方文武各官於幾十里

以內接送之處具奏奉

旨著三十里以內接送欽此此次

皇上南巡經過沿途地方文武各官於幾十里以內接

送之處謹奏請

旨恭候

命下

臣

寺行文知照各該督撫敬謹遵奉奏入

上諭曰著在三十里以內接送

乾隆二十六年十一月二十三日江蘇巡撫陳宏

謀奏言恭照明春

聖駕南巡一切應備事宜

臣

等率同司道等官敬謹備

辦所有各項動支正耗銀款上屆係先期奏明今

據江寧布政使彭寶蘇州布政使安寧會詳稱乾

隆二十二年

翠華南幸所有扈從官員人等船隻需用緯夫

聖駕經由旱路需用損擡旱夫

回鑾需用車輛馱載

御用什物等項需用騾頭上屆均於司庫正項銀內動支又扈從官兵馬駝需用豆草麥麩上屆均於司庫雜稅及驛站餘剩銀內借支再

行宮名勝備辦器物并修浚道路橋梁河道等項上屆均係動支司庫耗羨匣費銀兩料理各於事竣據實造冊分別請銷今次均應循照舊例辦理惟上

屆所動驛站餘剩銀兩現在司庫並無存貯應請
亦動正項給辦所有動用銀款相應詳請核奏
覆查無異除飭取估冊分咨戶兵工三部備案外
謹會同督臣尹繼善具奏奏入報

聞

乾隆二十六年十二月初五日尹繼善奏言恭照
聖駕南巡沿途管押馬匹船隻以及巡防站道等項均
須官兵分派差遣而外出應差一切衣裝盤費在

所必需上屆兩次

南巡俱經酌借俸餉兩月以資製備嗣於差竣後俱已全數扣還清楚明春

翠華載莅江南其承應差使官兵據請酌借盤費等項似應循照上屆之例行司將綠營官兵一律借給兩月俸餉俟差竣之後分作一年照數扣還歸款八旗官兵如有應需借給者照此酌量動借其江西省來南辦差官兵亦應一例借給奏入報

聞

乾隆二十六年十二月二十七日允祿等奏言

臣

等恭照

聖駕南巡隨往江浙大臣官員兵役執事人等前經奏
明統以六千馬匹核計隨往餘俱留住今按各處
冊報隨往官役人數計算馬匹不敷臣等比照上
屆之例按其人數多寡及差使之緩急酌量核減
共需馬五千八百八十六匹至渡黃以及名勝處

從前原奏派馬俱在四千匹以內令照依原奏或
按差減人渡黃時應需馬三千九百八十五匹名
勝處應需馬三千八百八十九匹謹開列清單進
呈恭俟

發下行知兩江總督遵照仍交兵部照例辦給馬票一
面知照各該處將單內隨往名勝處所減派人數
自行通融辦理至船隻一項仍令該督遵照上屆
原奏將預備

上用船隻及裝載

御用什物等船隻敬謹預備其隨往官兵人等船隻亦
照奏定船數及單內人數分別派撥并將核減各
處人數一併開單呈

覽奏入報

聞

乾隆二十七年正月初十日允祿等奏言臣等查
上次

皇上南巡隨往官員兵丁上船後拜唐阿兵丁所騎官馬皆交山東巡撫分喂以備回程乘騎此次

皇上南巡至順河集

皇太后陞船回京時跟隨人等無用馬匹之處應派侍衛拜唐阿官員兵丁相應預先派出至直隸廠上船後所騎官馬應令先回臣等酌量議定此次

皇太后至順河集陞船回京時跟隨侍衛一班親軍十名管人坐更等差派營長一員章京二十四員兵丁

三百五十名再查二十二年

皇太后自靈巖山回時奉

旨派出奇通阿等總管跟隨人等派出蘇和納等帶領
護衛鎗此次

皇太后陞船回京時現派出前鋒統領馬常護軍統領愛
龍阿慶泰三人內請

皇上欽派一員管理管人坐更等事再內務府奏派帶
領

皇太后護衛鎗之處奉

旨著派永慶勒景

皇太后回京時著派莊親王欽此現應帶領護衛鎗總管
隨從人等之處皆係莊親王管理或應添派之處
請

旨訓示應派之侍衛章京兵丁等交領侍衛內大臣前
軍統領在現派出人員內即行派定各處應派人
員亦即一并派定至直隸廠時上船後將派出侍

衛章京前鋒護軍各項人等所騎官馬皆交山東
巡撫即派官員兵丁從容趕至直省交方觀承善
為喂養以備木蘭應用所有侍衛官員兵丁帳房
等項各自行留交家人先回但途次若無管理之
人家人等不免生事相應交領侍衛內大臣前鋒
統領等臨時酌量派侍衛一員章京一員管束送
回奏入

上諭曰

皇太后回京時總管官員兵丁帶領護衛鎗之處莊親王
一人不敷著派兆惠一同管理章京護軍等著派慶
泰管理餘依議

乾隆二十七年正月十四日漕運總督楊錫紱奏
言乾隆二十六年十二月二十三日接准乾隆二
十六年十二月十六日奉

上諭據倉場侍郎溫福等奏來歲南巡

皇太后由運河水路回鑾所有北上糧艘酌量迴避一摺

金史卷九十四
著將原摺抄寄楊錫紱令其查照事宜悉心妥議俾河道既無妨碍而糧運亦不致稽延一切善為經理仍先行具摺奏聞欽此

臣恭讀

諭旨仰見我

皇上睿慮周詳務期妥協盡善之至意查明春

聖駕南巡

皇太后由運河水路

回鑾

臣

於本年十二月初十日接到部咨即將南北漕船

通盤籌計山東之船來春出運不過四百餘隻例
應三月內抵通飭令到通交兌後其回空船隻俱
趕赴天津之西沽一帶迴避南省漕船向例分為
三進首進各幫在正月二月初渡黃者飭令上緊
趕行務於四月初抵天津以便於西沽一帶迴避
其或不能趕至天津即於臨清口外衛河之上游
迴避二進幫船飭令於洪澤湖之太平河養馬灘
等處迴避三進幫船飭令於高郵之金灣六開揚

州之三岔河常州之高橋等處迴避俱俟四月初
間

皇太后由順河集

啓鑒之後再行催儼北上并分委員弁各處駐扎專行料
理俾順河集至通州一路運河俱無船隻阻礙河
路并將先後行走及各處料理迴避條款於十二
月二十日飛咨倉場侍郎及直隸山東江南督撫
并江南山東總河查照轉行茲查倉場侍郎臣溫

福等所奏南北運河的行迴避處所與臣敬謹籌

酌先行咨移各督撫之處俱屬相同臣自當欽遵

諭旨督率屬員弁再移行南北沿河文武員弁將首進
幫船上緊催儻早抵天津以清河道再查二進三
進幫船於四月以後渡黃北上有四月五月閏五
月六月之期儘可全行抵通不致遲悞奏入

諭如所議行

乾隆二十七年正月二十一日大學士公傅恒奏

言遵

旨詢問張師載阿爾泰

皇太后由水路馬頭

大營如何預備據稱現備之馬頭係五十丈仍照預
備

皇上水路馬頭之式_臣等恭查

皇上經過之馬頭

大營船艦既多且支架辦事蒙古包故此所需地面

寬大

皇太后乘船行走並無許多船隻且無大蒙古包等項若

仍照

皇上行走之馬頭辦理未免地方廣濶轉不緊湊臣等

酌量妥議

皇太后行走之馬頭酌修二十五丈似為緊湊再挽緯處

三班預備一千二百名河兵為數似屬太多理宜

酌數用分班挽緯

皇太后

內庭各主位所乘三船每船給挽緯河兵四十名供
佛船緯夫二十名編定三班每班一百四十名隨
侍太監船茶房太監船各項太監船共六隻每船
給河兵十五名三班共二百七十名計需用河兵
六百九十名俟

命下之日交張師載阿爾泰敬謹遵辦奏入

上諭曰挽緯河兵著留六百名不必用江南河兵俱用

東省河兵此處官員若不熟練著於江南官員內酌派幫管亦可餘依議

乾隆二十七年二月初九日兵部奏言總理行營王大臣奏稱議得汪札爾等奏稱

皇太后

內庭各主位由水路回京所用大城蒙古包帳房不必駝隻馱載請由順河集船載回京之處伏思此次

皇太后

內庭各主位既由水路行走無須更用蒙古包帳房等項若用船隻裝載帶往較為省便且駝隻亦不致傷損應如汪扎爾等所奏至徐家渡時此項駝隻交與東撫阿爾泰揀派幹員趕回交直省加謹喂養以備木蘭之用蒙古包帳房等件由順河集裝載上船隨

皇太后行營由水路運至京城交該管處點收奏入報

聞

乾隆二十七年三月初七日閩浙總督楊廷璋奏

言竊照浙省應行引

見官凡有派委辦差者俱經

臣

咨部覆准俟差竣給咨

茲查有甄別副叅等第案內保列一等應陞副將
福勒和等共七員六年俸滿副將易崑一員題補
錢塘水師都司之提標右營守備李楚玉一員又
閩省預保案內應行引

見之水師提標前營千總黃海一員俱因派辦差務未

經給咨赴部今恭逢

翠華臨幸該員等所辦差務俱已告竣可否仰邀

天恩

勅下行在兵部就近帶領引

見臣未敢擅便相應請

旨遵行再應於何日帶領引

見之處伏候

聖鑒奏入

上諭曰著隨便帶領引見

乾隆二十七年三月十九日刑部奏言乾隆二十七年二月二十九日奉

上諭朕稽古省方乘春布令而清理庶獄矜恤尤深用沛德音式昭慶典所有江蘇安徽浙江三省軍流以下人犯俱著加恩各予減等發落凡親民之吏其諄切告誡俾知改過自新共享太平之福欽此仰見我

皇上省方觀民行

慶施惠

翠華所莅爰

沛德以推

恩春令攸行迺祥刑而宥罪誠格外之

殊恩難邀之

曠典謹查乾隆二十二年

皇上巡幸江浙欽奉

恩旨軍流以下人犯各予減等發落經

行在刑部奏明除叛逆緣坐強盜免死發遣家奴喫
酒行兇棍徒生事擾害用藥迷拐子女開窩誘賣並
例應給披甲人為奴及擬軍之積匪猾賊情罪較
重俱不准其減等其餘軍流遣犯并徒杖人犯概
予減等發落奉

旨知道了欽此又乾隆二十四年恭逢

恩詔軍流以下人犯減等發落經

臣

部議定除前議不

准減等各項外其搶竊滿貫並三犯擬絞三次緩
決減等擬軍及私鑄為從並私鑄銅錢不及十千
擬軍俱屬情罪較重均不准其減等茲奉

恩旨應請仍照乾隆二十二二十四年之例除緣坐等
項情罪較重人犯毋庸查辦外其江安浙江三省
一切尋常軍流遣犯並犯該發黑龍江寧古塔及
內遣雲貴兩廣人犯不在前議數條之內者其情
罪與軍流相等事犯在

恩旨以前應請一體減為杖一百徒三年其徒罪及雜犯准徒人犯減為杖一百其已經在配徒犯即行釋放逃徒並免緝拏枷杖人犯均行寬免應刺字者並免刺字應追贓者仍行追贓其應減軍流遣犯內已犯未審已審未結已結未解已經起解計其程限尚未到配均照例准其會

赦減等再江浙之人有在別省犯案遞回原籍追贓發配其犯事在

恩旨以前者亦應遵照二十二年奏准之例一體准其減等其外省人犯事遞發江浙之軍流入犯與江浙現在軍流不同未便濫邀

曠典至該三省題咨到部尚未核覆及嗣後到部之案核其事犯在

恩旨以前查與

赦款相符者臣部隨案聲明分別減免俟

命下之日臣部行文各該督撫遵照辦理奏入報

聞

乾隆二十七年四月初三日倉場侍郎蔣炳直隸
總督方觀承奏言竊照北運河楊村迤北一帶本
係流沙最易淤淺自設漕運通判督率淺夫專司
刮挖每年四五月間糧船北上日行二三十里猶
需起剥挖淺今歲恭逢

皇太后回鑾由水路至張家灣所有北運河道更宜疏濬
深通以期

御舟行走順速二月冰津之後據報淤淺之處甚多臣等

隨飭該通判預行督夫上緊刨挖以水深三尺為

度臣蔣炳正在查驗間適

臣

方觀承查看水營緯

道到灣公同商酌查楊村至灣計程二百餘里分為三站應日行六七十里而河底流沙又易淤積雖預為刨挖仍恐臨期水淺沙淤應於

御舟臨到之前數日添備刮板等器具加僱人夫並酌看河道情形多築草壩數道束水使深或用運米殘

袋囊沙作壩照從前辦過成規相幾料理其水道
深處兩邊挿立柳枝為

御舟遙行眼目現委坐糧廳姚成烈通永河道明琦帶同
該丞倅等遵照妥辦奏入

上諭曰所奏甚是早挖而復淤豈不虛費人力乎

乾隆二十七年四月初九日兵部奏言現據山東
巡撫阿爾泰奏請於留東餒養馬匹原交額數外
備馬五百匹在順河集撥給上駟院各行檔併拜

唐阿兵丁在途疲憊未經交棚人等乘騎一摺奉
硃批知道了欽此臣等恭照

皇上南巡隨從人等除侍衛官員外所有各行檔拜唐
阿兵丁自京起程時每人原領馬三四匹不等雖
途中陸續疲憊馬六百餘匹現在仍各領有留東
喂養馬乘騎似可毋庸撥給查此次山東撫臣照
上屆之例上駟院備馬四百匹隨從官兵備馬一
千匹青州將軍奏明備馬八百匹俱在泰安地方

更換又直隸總督亦照上屆之例於德州交界備
馬一千匹更換各在案臣等酌議莫若將此項馬
一千匹內抽馬五百匹歸併在泰安地方一體更
換庶於官兵均屬有益奏入報

聞



欽定南巡盛典卷九十四

欽定四庫全書

史部

欽定南巡盛典卷九十五
六

詳校官戶部郎中臣楊世倫

欽定四庫全書

欽定南巡盛典卷九十五

奏議

乾隆二十八年十二月十七日兩江總督尹繼善
等奏言竊惟時邁省方自古載為典禮我

皇上俯從輿望三次南巡江浙

殊恩疊沛

愷澤覃敷部屋茅簷莫不感戴

皇仁淪肌浹髓是以

翠華所至衢歌巷舞夾道懽迎此雖周詩之頌懷柔夏
諺之稱遊豫未足比擬

隆規也且以河防重大屢邀

鑾輅親臨閱視指授機宜凡在前人籌議之所未周臣
等經營之所未及悲荷

宸衷裁制

睿訓精詳故連年以來淮黃並奏安瀾澤國均安衽席

濱水沮洳之地皆成沃壤膏腴歲慶豐登羣資利
賴無論黃童白叟僉謂

聖主勤民無逸到處蒙庥倘逢

御輦頻來更多

錫福臣等備員江省博採輿情當此年豐人樂之時益
深就

日瞻

雲之願計至後年乙酉已越三載之期恭懇

皇上允降綸音即定南巡吉日再光鉅典以洽億兆歡
心所有一切事宜臣等仰體

聖意既已確核章程務去繁華撙節預備惟望

六飛早屆吳山越水同欽

至德輝光欣看萬姓尊親華祝嵩呼永誌

熙朝盛事臣等敬謹恭摺奏請奏入

上諭恭載

恩綸

乾隆二十八年十二月二十日閩浙總督楊廷璋
等奏言欽惟我

皇上以法

祖愛民之

聖心行省方問俗之

盛典前自乾隆十六年以來三次恭奉

聖母皇太后安輿南巡幸浙

錫類推仁

殊恩疊沛凡屬臣民無不均沾普慶喜溢歡騰自乾隆

二十七年春

聖駕回鑾以後至今又隔三載浙省年穀豐登地方寧

謐白叟黃童飲和食德隨地隨時俱各感戴

帝澤瞻

天仰

聖之忱倍加誠切伏查歷次

鑾輅經由之地絲毫不煩供億即杭城內外

行宮及各處古蹟名勝以及

營盤道路節經辦理著有章程並無糜費臣等職任
封疆體察輿情竊見羣黎望

幸之殷實屬肫誠懇摯不敢壅于上

聞仰懇

皇上天恩再舉

時巡之典

頒示啟鑒諭旨以慰億萬萬黎庶蒼生之望再查浙省

海塘乾隆二十七年春月仰蒙

皇上親臨指示臣等敬謹遵奉辦理一切柴土石各工俱慶穩固惟是塘工關係重大沙水坍塌漲靡常臣等究恐才識未周更求

聖駕再賜臨幸尖山石壩暨仁寧等處將一帶塘工面加訓誨俾臣等欽奉仰體黽勉遵辦永慶安瀾臣等實感激無地謹合詞恭摺奏請奏入

上諭曰昨尹繼善等奏已有旨矣

乾隆二十九年四月初九日尹繼善奏言恭照

聖駕巡幸江南沿途應需分設臺站接遞文報用馬衆
多臣于乾隆二十二年在通省州縣額設驛馬內
通融協撥尚慮不敷各屬仍自備餘馬應付乾隆
二十七年因江南驛馬已奉裁七百匹較二十二
年額數更少派應益屬不敷若不酌量加增必致
貽悞差務經臣奏請將裁馬七百匹暫行復額應
差仰邀

聖恩俞允今次

翠華載幸所有江省驛馬應循上屆之例暫照從前原額加增馬七百匹分派沿途經過各州縣准其于驛站項下借支採買自本年十一月初一日為始照依額設驛馬一體支給草料至差竣日停其支給仍將所買馬匹照數變價歸還原款如此斟酌辦理則暫增馬匹既于差務甚有裨益而差後仍行照數變價還項亦于錢糧並無虧缺奏入

諭如所議行

同日尹繼善奏言恭照

聖駕南巡所有隨從官兵執事人等應需乘騎馬匹厯
次俱于綠營各標營及江寧京口駐防馬內各撥
馬四千匹分屯江南江北伺應查綠營額馬止有
四千四十餘匹于派撥應差四千匹之外所餘無
幾臣恐臨期貽悞向于江西營驛馬內酌調數百
匹來江協濟今次仍應照辦外惟江寧京口駐防

額馬本有六千匹因上年奉裁京口駐防兵丁有
甲馬二千名即減馬二千匹現在駐防額馬祇有
四千匹儘數當差沿途設遇疲乏無馬添換自應
預購馬匹以防缺悞現據將軍臣容保于貯庫馬
價內委員赴口購馬四五百匹備用酌須冬間趕
至江南既恐尚有不敷且慮新馬到江相去差期
不遠喂養未久難以應差惟有撥協隣省馬匹方
克有濟查乾隆二十年江省需用差馬先准軍機

處議請於軍營凱旋馬內領取亦因新馬不能應
差復經奏准在于豫省旗營馬內調撥二千五百
匹赴江應用今次八旗駐防應需預備之馬仰懇
聖恩俯照乾隆二十年之例在於豫省旗營馬內酌撥
六百匹協濟江省惟是前項協濟馬匹應差之後
即多疲乏難以再還豫省查旗營之馬每年倒斃
缺額者原應買補應將此馬即交江寧京口駐防
作為補額之需一面照原撥數目解價還豫聽其

自行購買以補撥缺之數但江省往年赴口買馬
合計馬價同沿途喂養盤費每匹約需銀十七八
兩豫省採買馬匹大約亦需此數自應公平還價
使豫省易于買補應俟

恩准之後臣與豫撫臣商定會同將軍臣容保於存貯
馬價內照數移還臣緣差馬緊要專摺奏懇如蒙
聖恩俞允應令豫省于本年十月內預備撥送在于兩
省交界地方交收所需沿途料草及捧夫飯食等

項各歸本省照例報銷合併聲明奏入報

聞

乾隆二十九年七月十九日尹繼善奏言恭照明
春

聖駕南巡一切扈從人員應需乘騎馬匹于江省綠營
並駐防八旗馬內各以四千匹分江南江北派撥
伺應前因八旗馬匹不敷經臣奏請借撥豫馬六
百匹仰蒙

聖恩允准為數已屬寬餘而綠營應差之馬通省額數止四千有零雖經臣酌量派撥現已足用但馬匹應差日久不無倒缺若不籌辦多備臨時設有貽悞所關匪細臣與提鎮諸臣再三商酌必須再購餘馬數百匹預備接濟而此時無項可動查存貯司庫內有各官養廉馬價一項可以酌動現于此內借支銀六千餘兩委員出口採買馬匹回南加料喂養以為明年差所臨時倒缺之用其借支養

廉馬價銀兩仍于各營明歲例領大報馬價內按
分領馬匹營分照數扣還歸款至漕河撫各標營
臣亦移咨酌購餘馬以備差所撥補奏入報

聞

乾隆二十九年九月二十二日總理行營事務和
碩簡親王豐納亨等奏言明春

皇上南巡所有一切應行備辦事宜臣等按照上次
皇上南巡旱路扎營所需大城蒙古包帳房等項俱帶

往二分工部應備棹楫等項亦照例帶往所用駝
隻及茶飯房等處所用駝隻車輛俱交各該處照
例預備其拉船緯夫由河兵內揀用應行備帶銀
兩緞疋等項令戶部內務府具奏帶往其侍衛揀
派三班兵丁揀派一千名各處官員拜唐阿等酌
量揀派再至江南登舟之時兵丁減派五百名章
京派四十員虎鎗侍衛兵丁一百三十七員名內
揀派四十員名其餘入于三班侍衛及五百名護

軍數內揀派其扈從大臣官員俱于歲前預行支給春季俸銀應騎官馬人員俱照應領之數全給俱先支給兩個月盤費途間再行補給登舟後大臣官員各留家人喂養馬匹其拜唐阿兵丁等乘騎馬匹並官用駝隻交與山東巡撫分給就近各州縣及綠旗各營喂養留住之兵丁家人委派大臣管轄約束回京所用車輛

欽點大臣會同地方官催覓備用喂養存留馬匹所需

麩豆草料等項令山東巡撫酌量採買以備支糶
至浙江地方豆石短少或有應行撥濟之處令咨
明東撫令其酌量採買運送至沂州一帶以備支
糶再沿途安設臺站由兵部驗明正腰各站令該
督撫于通省驛站馬匹內抽撥備用至經過地方
應行辦理營盤道路橋梁一切事宜俱令該督撫
照例先期預備伏查明年

皇上南巡旱路扎營自山東德州以南間站業已蓋造

行宮而江南陳家莊亦蓋造

行宮其大城蒙古包帳房等項帶往一分儘可敷用不必仍帶二分所需駝隻及捧駝兵丁亦約數一分之用辦理應派兵丁一千名減派三百名著派七百名其餘俱請照上屆之例辦理至留住之兵丁跟役應派大臣彈壓管束及經理回京所用車輛大臣俟臨期再奏請

欽派再查照登舟後所需馬匹北北揀選綠營馬四千

匹江南揀選旗營馬四千匹至江寧等處時應添
備馬二千匹放給之處令兵部交該督仍照上次
之例辦理其隨從

御船及督催拉船緯夫需用馬匹亦令該督仍照上次
辦理所用船隻令各該處將人數報明總理行營
處合計行文該省辦理其散給船隻令兵部照上
次辦理

御前大臣領侍衛內大臣軍機大臣

御前侍衛

乾清門侍衛船隻與載

御馬船隻及上駟院侍衛官員批本奏事軍機處侍衛處內閣兵部官員等船隻俱照上次令其在前行走其餘船隻俱令在後行走若有承辦事件必應在前行走者俱令臨時自行奏請其江南河路狹窄理宜嚴禁擁擠應令管理船隻大臣協同護軍統領于行走停泊之處嚴加管理其在浙江放馬

等項亦照上次江南一同辦理

皇上巡幸畢

回鑾時

皇太后

內廷各主位仍至張家灣下船

皇上至德州下船由旱路行走所有經過地方應行辦理營盤道路橋梁一切事宜俱令該督撫備辦俟命下之日行令各該處遵奉辦理奏入報

聞

乾隆二十九年十月十七日尹繼善奏言恭照

聖駕南巡沿途管押馬匹船隻以及巡防站道等項均
需官兵分派差遣而外出應差一切衣裝盤費在
所必需上屆節次

南巡俱經奏明酌借俸餉兩月以資製備于差竣後俱
已全數扣還清欸明春

翠華再幸江南其各營承應差使官兵據請酌借盤費

等項似應循照上屆之例將綠營官兵一律公借
兩月俸餉江寧京口八旗官兵亦照此酌量動借
俟差竣之後從明年夏季起分作二年照數公扣
還款其江西省管理協濟馬匹及來南辦差官兵
亦應一例借給奏入報

聞

乾隆二十九年十一月初二日江蘇巡撫莊有恭
奏言恭照明春

聖駕南巡一切應備事宜臣等率同司道等官敬謹備辦所有各項動支正耗銀款上屆係先期奏明今據江寧布政使彰保蘇州布政使蘇爾德會詳稱上屆乾隆二十七年

翠華南幸所有扈從官兵人等船隻需用繹夫

聖駕經由旱路需用扛擡旱夫

回鑾需用車輛馱載

御用什物等項需用騾頭均于司庫正項銀內動支又

扈從官兵馬駝需用豆草麥藁均于司庫雜稅及
正項銀內借支再

行宮名勝備辦器物并修浚道路橋梁河道等項均係
動支司庫耗羨匣費銀兩料理各于事竣據實造
冊分別核實請銷今次均應循照舊例辦理所有
動用銀款相應詳請核奏臣覆查無異除飭取估
冊分咨戶兵工三部備案外臣謹會同大學士管
兩江總督臣尹繼善具奏奏入報

聞

同日莊有恭奏言竊照明春恭逢

聖主重舉巡方之典一切差務現在敬謹辦理惟查北
來扈從官兵人等需用錢文均應預備臣先經扎
行蘇州布政使蘇爾德查議籌辦旋據該司詳覆
歷屆需用官錢約九萬五千餘串向係加鑄以供
兌換今擬請乾隆二十九年循例加鑄一十四卯
可得錢四萬七千餘串又現有收買局內爐匠工

料錢二萬三千五百餘串並積存局庫餉錢三萬六千餘串足數分發各屬兌換以供北來扈從官兵之用除臣據詳咨部查核并批令將一切發兌事宜預行酌定妥辦外謹會同督臣尹繼善具奏奏入報

聞

乾隆二十九年十一月初十日大學士公傅恒等奏言本月初七日據護軍統領慶泰奏請將旗下

家奴指稱幫辦差務希圖漁利人等查解來京管束等因一摺奉

旨軍機大臣議奏欽此據慶泰奏稱八旗滿洲俱賴家
生僕人當差行走近日家奴內稍有伶俐能事者
竟至棄其舊主情愿跟隨外任官員前往者並有
因過活艱窘佯許給伊舊主銀兩騙支前往者且
有因伊主親族局騙妄希射利潛行前往者殊屬
大關風紀臣慶泰隨

駕臨幸江南竊見沿途備辦差務之地方漢員帶領旗僕行走者甚多詢之俱稱幫辦差務揆厥所由大抵俱因不諳事體之地方漢員以為此輩習知旗人性情尋覓帶往使令易得一切信息是以僱令跟隨甚或大加任用幫辦差使此等旗僕一得機會于中漁利必致藉端滋擾民間大為地方之害應請飭交直隸山東江南浙江等省各督撫查明除旗員現任某地方官准將已僕隨帶外其餘大

小漢員等所僱旗僕俱著詳細查出于

皇上啟鑒之前盡行解送回京交各該旗嚴行管束如
地方官員仍得隱徇存留此輩不行舉報上司或
經總理行營事務王大臣等查獲或經在京御史
等風聞叅奏必將該員從重治罪以示懲儆臣等
伏查歷次

皇上巡幸地方均蒙

特旨飭諭各該省督撫嚴禁匪徒指稱辦差從中取利

復飭總理行營王大臣等沿途嚴密稽查地方官員各宜凜遵將此等匪徒查拏管束但恐漢員中智愚不等或以旗僕諳習旗人之性于辨差有益催倩伊等跟隨使用藉為耳目自不能保其必無應請如慶泰所奏飭交直隸山東江南浙江等省各督撫詳切曉諭如漢員有僱用旗僕者于

皇上啟鑒之前盡行自行檢搜解送來京交付各該旗給伊原主嚴加管束即旗人為地方官者亦祇准

其存留寔係已僕其所僱用跟隨之僕並著一概查解如各該員等仍復有意容留不行舉報至被總理行營王大臣等查出將該員一并叅奏治罪再慶泰摺內奏稱凡有旗人均著查出解送來京交該旗管束之處查旗人內另戶人等原不准出京其出旗為民之人業蒙

皇上加恩聽其各往外省謀生若有一併查不惟該旗難于管束且使伊等亦復不得生路應請免其一

併查解來京仍飭各該督撫于此項人等飭知地方官只許留在署中當差凡于

蹕路經由之處不得聽其外出妄生事端臣等仍同總理行營王大臣留心嚴查如一經查獲即行審訊治罪並將該地方官一併查叅庶各知所警惕伏候

命下即行令各該省督撫欽遵辦理奏入

諭依議行

乾隆二十九年十一月十二日倉場侍郎溫福蔣
炳奏言恭照

聖駕南巡所有乘用

御舟向派坐糧廳一員先期駕赴清江浦伺候乾隆二
十六年經臣溫福奏請帶同坐糧廳德風跟隨

御舟照料行船事宜仰蒙

聖恩俞允嗣于乾隆二十七年五月內欽奉

上諭天津所有一應船座收貯經管各事宜著長

蘆鹽政就近管理欽此明春

翠華南幸應用

御舟已據該鹽政高誠奏派長蘆運同永貴先期駕赴
清江浦伺候自毋庸復派坐糧廳前往辦理惟是
皇上回鑾由水路至德州起旱進京

皇太后至張家灣起旱進京所有

御舟經行之處河道理宜肅清而東省開河正在艱艱
盛行之際其應如何停避須隨時料理伏乞

皇上于臣溫福臣蔣炳二人內派出一人隨

駕前往奏入

上諭曰著派溫福

乾隆二十九年十一月十二日鴻臚寺奏言向例

凡遇

皇上行幸沿途地方文武官員于百里內接送查乾隆

二十七年

皇上南巡臣寺將經過沿途地方文武各官于幾十里

以內接送之處具奏奉

旨著三十里以內接送欽此此次

皇上南巡經過沿途地方文武各官于幾十里以內接

送之處恭候

命下臣寺行文知照各該督撫遵奉奏入

上諭曰仍著三十里以內接送

乾隆二十九年十一月二十日總管內務府大臣
奏言伏查乾隆二十六年十二月二十八日欽奉

上諭向來巡幸所需車輛例由順天府用官價預為催覓應用其中胥役人等多有乘機藉名抑勒索諸弊為累閭閻此次南巡啟鑒伊邇順天府自己照例預備著步軍統領衙門簡派員役查察如有滋事情弊即行拏究以儆刁猾嗣後有應備車輛著交內務府總管大臣交會計司所屬大糧莊頭等設法官辦既可供應無悞又可永斷因差滋弊根株其悉心妥議具奏欽此當經臣等詳細酌議每年

皇上巡幸木蘭內務府各等處備差約需大車七百餘
輛擬備官車八百輛每車一輛騾馬四匹給價銀
一百二十輛分派大糧莊頭及口外莊頭等拴養
以備

巡幸之用平時聽其營運生息查向例每車一輛每日
行程腳價銀七錢二分守候住宿給銀五錢二分
今此項官車係領價備辦平時既不得其營運則
應差之時未便與民車一例多給僱價嗣後行程

每輛每日給脚價銀五錢住宿四錢足數喂養馬
騾之用再車輛日久馬騾不無倒斃應酌定以三
年之後每車一輛馬騾四匹准倒斃一匹官給銀
十兩以為買騾之用奏准遵行今據拴車莊頭楊
之連等呈稱竊莊頭等自奉拴車以來業經三載
每次備差未敢違悞但莊頭等散居各州縣地方
遠近不一每遇傳差往返途次守候費煩且莊頭
等惟知種地當差原不善于營運所有官車出差

俱賴僱工車夫在外應差不能親身隨往經理以致備車一次驟馬倒斃賠補羸瘦不堪應用恐悞官差關係非輕莊頭等不得不將實在不能拴養官車賠累情由據實呈明懇祈查照辦理紛紛遞呈伏查

皇上巡幸所需車輛向發官價僱覓應用原無累于地方乃蒙

特恩猶恐胥役藉端滋擾為累閭閻特設官車備用自

拴官車三年以來每遇

巡幸雖承應官車未至遲悞今據拴車莊頭等將不能
備辦情形具呈臣等伏查從前僱覓民車價銀行
程七錢二分住宿五錢二分守候二日每車給銀
一兩四分回空按住宿五錢二分七扣合算每日
給銀三錢六分四厘今官車價銀行程五錢住宿
四錢守候回空俱不給價原令其平時善為營運
以為津貼之資今留心體察莊頭人等散居各州

縣地方近者數十里遠者或至數百里應差之日
藉有價銀而赴京回屯往返之間均需自行貼補
辦理不無竭蹶然以一年計之應差之日少空間
之日多苟其善于營運原可以有餘而補不足無
如莊頭等勤惰不齊于種地交差之外善于營運
者本少是以只覺其艱而難期其效今臣等詳細
籌畫每年

皇上巡幸木蘭內務府各等處備差回車六百餘輛需

脚價銀一萬二千餘兩至一萬五千餘兩不等若以原發拴車價本銀九萬六千餘兩並平餘銀四四千兩共銀十萬兩再請發銀十萬兩共銀二十萬兩以此滋生利銀按一分核算每年可得利銀二萬四千兩如入每年所需車脚銀兩合算計照官庫脚價行程五錢住宿四錢之數行程增價五錢每日給銀一兩住宿增價四錢每日給銀八錢僅覓應用不惟足用尚有餘剩利銀可以陸續歸

還原本況民間有需以拴著車輛為生意之人伊等久慣喂養騾馬精壯拉運得力若官用時增價僱覓不但不致賠累且可獲利諒無畏避不前之患所有莊頭等拴養官車應請停止令其繳回原車價本銀兩以為滋生之用嗣後凡遇

巡幸所需車輛請交與順天府照增定價銀行程一兩住宿八錢僱覓其守候回空仍照從前僱覓車輛之例給發辦理嚴飭該地方官不得混行挈派民

車撥累閭閻並請

勅交步軍統領及五城監察御史等嚴行查訪倘有挈
獲或經首告嚴行叅奏從重治罪如蒙

俞允由廣儲司銀庫先請發銀二十萬兩分交與兩淮
長蘆鹽政于商人內揀選家道殷寔借給聽其酌
量經營按一分生息每年解交廣儲司銀庫以為
車腳價銀之用其莊頭等應交腳價本銀著限一
年令其完歸款項至明歲

皇上巡幸江浙及往木蘭應用車輛所需腳價由廣儲
司銀庫先行動給俟西淮長蘆兩處解到利銀之
日照數扣還如有餘剩銀兩陸續歸還原項可也
為此具奏請

旨奏入報

聞

欽定南巡盛典卷九十五

欽定四庫全書

欽定南巡盛典卷九十六目錄

奏議

欽定四庫全書

欽定南巡盛典卷九十六

奏議

乾隆二十九年十一月二十三日大學士公傅恒

等奏言恭照

聖駕巡幸所至隨從各行檔向地方官取具印結一事

前欽奉

諭旨傳諭方觀承設法禁革並詳細確查具奏今據該

督將取結各行檔開具清單進呈臣等詳閱該督所奏取結行檔內有結付印票與地方官實有交涉者亦有與地方官全無干涉不應向地方官取結者在該督摺內雖稱不知起自何人但臣等屢奉

聖訓命於沿途訪察約束臣等總理行營並提督衙門俱每次多派員役加意密訪今於取結一事竟未及早行查出奏請禁革咎寔難辭不勝惶悚惟是